



Broj: 11-04-5869-69-1/24
Sarajevo, 29. 03. 2024. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

Predmet: Odgovor na zastupničku inicijativu, *dostavlja se*

ZASTUPNIČKA INICIJATIVA:

Zastupnica Jelena Pekić je u skladu s članom 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 Ispravka), u okviru 14. radne sjednice Skupštine Kantona Sarajevo, uputila sljedeću zastupničku inicijativu: „ Da se uvede program subvencioniranja ili u potpunosti pokrivanja troškova obaveznih sanitarnih pregleda koji se zahtijevaju kao uslov za prisustvo nastavi za srednjoškolce u Kantonu Sarajevo i to u medicinskim, tehničkim te ugostiteljskim srednjim školama“.

OBRAZLOŽENJE: Subvencije ili oslobađanje od naknade za srednjoškolce za troškove sanitarnog testiranja kako je propisano, predstavljaju značajan mehanizam podrške obrazovanju. Ovaj pristup ne samo da olakšava pristup obaveznom obrazovanju, već i osigurava sigurnost učenika tokom prakse, što je u skladu s ciljevima obrazovanja i zaštite javnog zdravlja. Srednje stručno obrazovanje i obuka kako je definirano članom 58. Zakona o srednjem obrazovanju Kantona Sarajevo, obuhvata različite oblike obrazovanja, uključujući i praktičnu nastavu i laboratorijski rad. Praktična nastava izvodi se u školskim radionicama, laboratorijama i drugim objektima, uz stručni nadzor, dok se, prema članu 62. Zakona o srednjem obrazovanju Kantona Sarajevo, ferijalna praksa organizira u saradnji s privrednim društvima i drugim institucijama. Prema postojećem Pravilniku o organizovanju i izvođenju praktične nastave i laboratorijskog rada u srednjim školama u Kantonu Sarajevo, član 12. u stavu (f) učenici su obavezni obaviti ljekarski i sanitarni pregled ako je to predviđeno Ugovorom o saradnji. Finansiranje srednjeg obrazovanja od strane osnivača škole smatram da treba da uključuje i gore navedene troškove, a koje nemaju učenici drugih škola.

ODGOVOR:

Ministarstvo za odgoj i obrazovanje Kantona Sarajevo pozdravlja inicijativu zastupnice Jelene Pekić za uvođenje programa subvencioniranja ili u potpunosti pokrivanja troškova obaveznih sanitarnih pregleda koji se zahtijevaju kao uslov za prisustvo nastavi za srednjoškolce u Kantonu Sarajevo i to u medicinskim, tehničkim te ugostiteljskim srednjim školama.

S tim u vezi, informišemo Vas da član 8. tačka c) Pravilnika o organizovanju i izvođenju praktične nastave i laboratorijskog rada u srednjim školama u Kantonu Sarajevo („Službene novine Kantona Sarajevo“, broj: 30/20) (u daljnjem tekstu: Pravilnik), propisuje obavezu Ministarstva da obezbijedi sredstva za obavljanje ljekarskog i sanitarnog pregleda za učenike ako je to predviđeno Ugovorom o izvođenju praktične nastave/laboratorijskog rada.

Slijedom navedenog proizilazi da postoje pravne i finansijske pretpostavke koje omogućavaju da se blagovremeno izvrše ljekarski i sanitarni pregledi učenika, ukoliko su isti uslov za realizaciju praktične nastave/laboratorijskog rada i ukoliko je to predviđeno Ugovorom iz člana 17 Pravilnika.

Ukoliko obavljanje ljekarskih i sanitarnih pregleda proizvodi finansijske obaveze za školu, ista je dužna osigurati potrebna sredstva u budžetu škole za što ima i pravni osnov.

S poštovanjem.



MINISTRICA

Najda Hota-Muminović

Dostaviti:

1. Naslovu.
2. a/a.